

مِنْهَا قِيمَةٌ

دائرة مخصوصه

در سعادتده باب عالی جوار بنده

محل اداره :

اخطار :

مسئله کمزه موافق آثار جدیده مع الممنونیه قبول او انورد

درج ایدیه من آثار اعاده او انورد

دین، فلسفه، علوم، حقوق، ادبیات و سیاست و باطنیات و کرم اجتماعی و مدنی احوال و مشور و اسلامیه در بحث اجدد و هفته ده بر نشر انورد.

آبونه بدلی

سنه لکی

التی آیلنی

ممالک عثمانیه ایچون	۸۰	۴۰	غروش
روسیه	۶۵	۳۵	روبله
سائر ممالک اجنبیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تاسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۷۷

۱۴ صفر اخیر ۳۲۸ پنجشنبه ۱۱ شباط ۳۲۵

اوجنچی جلد

حضور ملوکانه لرینه قبول والتفات ملوکانه لر به بکام بیورمشلردر .
ایکندی نمازندن صکره ساعت اون بچقده عودت شاهانه وقوعبولمشدر .
موکب هایونک کدرکاهنه تصادف ایدن واپورلردن مراسم احترامیه اجرا
ایدلش وعسکر واهالی طرفندن (پادشاهم جوق یشا) ورهکدرده بولنان
اجنبی سیاهلری جانبندن (هوررا) ندالری کمال شوق وسرور ایله تکرار اولمشدر .
طوپوقو سراینده کی باب السعادة الشریفه نک ایچ طرفنده وعرض اوطه سنه
قارشی بر وضعیتده وقیونک جهتینده موضوع ایکی لوحه نک بهرنده اون
یدی عثمانلی حکمدار ذیشاننک اسامی وتاریخ جلوس ومدت سلطنتلری حاکی
اولوب پادشاه نوجاهمن افندمن حضرتلرینک نام محترملری وتاریخ جلوسلری
ایچون بولوحه لرده فضله بر محل قالمادیفندن آیروجه بر لوحه ترسیمنه قرار
دیریلرک اشبو وظیفه اندرون هایون بکلرندن خطاط حافظ ابراهیم افندی به
حواله اولمش وموی ایله اولجه کبار اولیاء اللهدن آق شمس الدین افندی
طرفندن ترتیب ایدلش اولان مذکور لوحه لرکی بر لوحه وجوده کتیرمش
وداثره شکلنده اولان بو لوحه به اون یدی دفنه (خان السلطان) ومحل
مخصوصه ده (خان السلطان محمد) عباره سنی واک اورته سنه دخی (ابوبکر ،
عمر ، عثمان ، علی) اسامی محترمه سنی وضع اولمشدر . اشبو لوحه عرض
اوطه سنک اوکنه وباب السعادة به قارشی بر موقعه تعلیق اولمشدر .

ادرنه والیدی حاجی عادل بک افندی حضرتلرینک مجلس عمومی
ولایتده ایراد ایلش اولدقلری نطقک والی مشارالیهک حضورهایون
حضرت خلافتپناهیده شرف مثوله نائلیتی صره سننده (کلام الملوک
ملوک الکلام) منظوقتی مؤید مصصادف نظر ممنونیت اولان بیانات
عالیه جناب خلافتپناهی به دائر اولان اقسامی ادرنده منتشر آفتاب
غزته سننده منظورمن اولغله عیناً بر وجه یز نقل اولنور :

« هیئت محترمه به بیرمکده اولدیم معلومات وتفصیلاتک انک مهمی ، انک
مقدسی ، ذات حضرت پادشاهی به ملاقی اولغلم ، شرف مثوله نائلیتمدر .
بونی بر وجد افتخار وبر حس مباهات ایله سویله بیلیم :
حضور هایونده ، شرف مثوله نائلیتمدن جناب شوکتآبک بر حال
نوازش وبر طرز پدرانده اولق اوزره فرمان خطابتنه معروض بولندم .
معروضات وتشکرات عبودیتندانه ومملوکانه بی تقدیم ایتدکن صوکره ولایت
داخلنده بولنان تبعه صادق لرینک احوالندن استمزاج بیوردیلر . جواب
معروضمه : « نام هایونلری السنه احترامده دوران ایتدکنه ، اسکی آجیلره
بدل اولاد وطنک ذات هایونلری کی مشفق ومشروطیتپرور بر پدر معالیکستره
مالک اولمردن متولد انشراح قلبیهلری بر دوام اولدکنه تبعه ملوکانه لرینک
مسعودیتلری بر کالدر . اولقدرکه مرکز وملحقاته نروده اسم شاهانه لری
براحترام مخصوصله یاد اولنورسه بلاتفریق جنس ومذهب حاضر ونک قلبلرندن
حیات شکر ومحبت فوران ایدیور » طرزنده ایدی .

شو معروضاتم ذات هایونلرنجه صوکره درجه ده موجب محظوظیت اولدی
ومبارک کوزلری طولو طولو اولدی دیوردیلرکه : [بن وطنی سوهوم
اونلرده وطنلرینی سوهولر وبونک ایچون بی سوهولر] . ذات شاهانه نک شو
التفات مشفقانه سندن جرأت آلهرق : « بر آلهرق ادرنه بی تشریف شاهانه
وقوعوله جنی حقنده کی روایتک سکنه مملکتی ومسرور ودلشاد ایتدیکنی
وجه نک قدوم ملوکانه لرینه منتظر بولندیغنی » عرض ایتدم .

[بوسنه بروسه به قدر اولان سیاحم ، اورای اجدادمک مهد ظهوری
ودولت علیه مک ایلمک پایتختی اولمسنندن منبعث ایدی . ادرنه دخی کذلک
اجدادمک اکتساب نام وشان ایتدکلری بر محل وایکنجی پایتختدر . هر حالده
اورایده کیده حکم . انشاه صوکره بهاره طوغری بوسیاحتی اجرا ایده حکم]
بیوردیلر .

وبووعد وفرمان شاهانه لرینی متعاقب متبسمانه « نصل اوراده بارینه بیله حک
بربر وازی » سؤالی ایراد بیوردیلر بنده کزده « بتون افراد ملتک سینه
سداقت ومحبتلری ذات شاهانه لری ایچون برر فرق تعظیم واحترام تشکیل ایدر .

مع مافیة حکومت وبلدیة دائره لری واردر . ذات هایونلرینی اعزاز و اراحه ایچون
بتون موجودیتلرله التزام اعتنا ایداسی طبیعیدر » دیدم . بومعروضاتم اوزرینه « نصل
اولسه اولور . اجدادم دخی چادر آلنلرنده دمکندار اولمشلردر » بیوردیلر بو خطاب
هایون بنده کزی غشی ایتدیکی وحضورهایوندن انفسکک زمانی دخی حلول ایلدیکی
ایچون بر جرأت مخصوصه ده بولنه رقی (مبارک دست شاهانه لرینی تقبیل وتلثم ایده .
بیلمککمه مساعده طلب ایلدم) بو معروضاتم ایلمک اوکنه بر اشارت
محویتکارانه ایله قبول بیورلماق ایتندیدی . فقط تکرار استرحام ایدنجه
« او حالده : کلیمز مصافحه ایدم ، مصافحه سنت سنیه نبویه در » فرمایله
اللرینی اوزاندیلر . وبنده کزله عموم ولایت اهالیسنه دعا بیوردیلر .

بو راسمه مصافحه بی کمال شوق وحبور ایله اجرا ایتدکن وعمر شاهانه لرینه
دعا خوان اولدقدن صوکره حضور هایوندن چقدم . همان جناب حق عمر
هایونلرینی مزداد وفروان بیورسون .
بو ملاقاتک شرفی شخصمه دکل ولایت اهالیسنه راجع بولندیغنی ایچون
ایتمه سزه تفصیلاً اخبار ایلدم .

والی بک افندی حضرتلری بو منقبة مثول وملاقاتی حکایه بیوردقلری
اشاده حاضرین ذات شاهانه نک کرک تشریف هایونلرینک شرفوقوع بوله جنی
خبر مسرتندن ، کرک لسان هایوندن شرفصدور ایدن کلمات معالیایانندن صوکره
درجه ده بر وجد احتساستانه مستغرق قالمشلردر .

§ لسان قرآن اولق حسبیه بالعموم اهل توحید ایچون لسان
رسمی مشابه سننده بولنان عربجه نک دخی ترکجه کی حکومتجه لسان
رسمی اوله رقی قبول ایدیله چکنی (العرب) رفیقمن تبشیر ایدیور .
دولت علیه عثمانیه خلافت کبرای اسلامیه بی حائر بولندیغندن عربجه نک
لسان رسمی خلافت اتخاذه یکن مناسبدر . بو تصورک بمنه الکرم
قرباً حیز آرای حصول اولدیغنی کورمکله بختیار ومفتخز اولورز .
§ مصرده مشروطیت اعلانی ایچون حزب الوطنی جمعیتی خدیو
نزدنده تشبثانده بولمشدر . معارضلردن رئیس النظار اخیراً سوء قصده
هدف اوله رقی وفات ایتمشدر . ترقی جریاننک اوکنه کججه میه جک ، ایرکیج
مصر نائل مشروطیت اوله جقدر .

§ هندستان ایچون آنکلتره حکومتی طرفندن مشروطیته شبیه بر
شکل اداره اساسی احضار اولنیور .

§ بوسنده قانون اساسی بو هفته اعلان اولمشدر .

§ پترسبورغده انشا اولنه حق جامع شریفک قریباً وضع اساس
مراسمی اجرا اولنه جقدر . مراسم ، عثمانلی وایران سفارتلری اشتراک
ایده چکلری کی بخاری امیری حضرتلری ولیعهدلریله بر لیکده بالذات
حاضر بولنه جقلردر . ولایات معتبران اسلامیه سی ، مطبوعات منتسبلری
دعوت اولمشدر . بواصر خیرک حصولی ایچون امیرمشار ایله جانبندن
سبق ایدن هممات ومعاونات تقدیه دن طولایی بتون عالم اسلام متشکردر .

§ روسیه نک دردنجی دوماسی ایچون انتخاب قانونی اصلاح اولنه رقی
دهافضله اسلام اعضا انتخابنه موفقیته حاصل اوله جنی استبشار اولمشدر .

§ روسیه ده انک چوق نفوسلی عشیرتلردن اولان قیرغیزلرک کوچبه
لیکن صرف نظر ایدرک کویلر تأسیس ایتمک اوزره مساعده رسمیه
استحصالنه تشبث ایتدکلری مستخبرات ساره دندر .

§ بوسنه حجاج میاننده تایمس غزته سی طرفندن برنخب بولندیر .
لذینی اخیراً تحقق ایتمشدر .